



# PREZIDÉNSIA KONSELLU MINISTRUS

V GOVERNUN KONSTITUSIONÁL

DÍLI, LORON 10 FULAN DEZEMBRU TINAN 2012

## KOMUNIKADU IMPRENSA

### **Sorumutu estraordináriu Konsellu Ministru loron 10 fulan Dezembru tinan 2012**

Governu Konstitusionál V hala'o sorumutu iha loron 10 fulan Dezembru tinan 2012, iha sala sorumutu Konsellu Ministru nian, iha Palásiu Governu Dili no aprova ona:

#### **1. Proposta lei ne'ebé mak aprova Orsamentu Estadu Repúblika Demokrátika Timor-Leste nian ba tinan 2013**

Governu Konstitusionál V sei kontinua programa susesu sira ne'ebé maka hahú tiha ona hosi Governu anteriór ne'ebé pruntu ona atuhodi transforma Timor-Leste to'o tinan 2030, ba país ida ne'ebé ho rendimentu médiu-altu, ho populasaun saudável no matenek ne'ebé maka hela iha klima seguru ida. Programa Governu Konstitusionál V define política sira hodi konkretiza objetivu ne'e no proposta OJE agora ne'ebé iha previzaun ba dotasaun orsamentál ne'ebé presiza hodi finansia política sira ne'e no fó desizaun iha tinan oin mai.

Proposta Lei Orsamentu Jerál Estadu (OJE) ba tinan 2013 ne'ebé tau hamutuk reseita no despeza Estadu Timor-Leste nian hotu-hotu no kobre períodu ne'ebé kompostu husi loron 1 fulan Janeiru tinan 2013 no loron 31 fulan Dezembru tinan 2013. Totál estimadu reseita husi fontes sira hotu (petrolífera, naun petrolífera, verba husi parseiru dezvoltamentu no reseita naun fiskál) OJE nian ba períodu ne'e maka milau \$2.2987,8 dolar norte-amerikanu. Dotasaun orsamentál sira iha dolar norte-amerikanu maka hanesan tuir maine'e:

- 1 – Milau \$160.257dolar ba saláriu no vensimentu;
- 2 – Milau \$461.744 dolar ba beins no servisu, ne'ebé milau \$ 42,448 sei hatán ba Fundu Dzevolvimentu Kapítal Umanu nian;
- 3 – Milau \$236.473 ba Transferénsia Públika;



Palácio do Governo,  
Avenida Presidente Nicolau Lobato,  
Dili, Timor-Leste

nddigovtl.09@gmail.com  
(+670) 33 310 608

4 – Milaun \$47.150 ba Kapital Menór;

5 – Milaun \$ 891.895 ba Kapital Dezenvolvimentu, ne'ebé milaun \$752.877 pertense ba Fundu infra-estrutur.

Total despeza OJE ba tinan 2013 milaun \$1.797,519 dolár norte-amerikanu. La inklui servisu no fundu autónomo sira, fundu espesial no impréstimu, total dotasaun ba orsamentu maka hanesan milaun \$862.047 dolár norte-amerikanu.

Fundu infra-estrutur (ho dotasaun orsamentál milaun \$752.877 dolar inklui impréstimu) sei kontinua ajuda Governu ba konstrusaun infra-estrutur Timor-Leste nian no sai instrumentu úniku ida ne'ebé maka permite halo kontratu plurianuál ho forma ida seguru, eficiente no transparente. Saldu tranzitadu husi tinan 2012, tuir lei maka milaun \$444.351 dolar.

Fundu Dezenvolvimentu Kapital Umanu ( ho dotasaun orsamentál ida USD Milaun 42,448 ne'ebé Dólar Milaun \$8,549 korresponde ba saldu tranzitadu husi tinan 2012, tuir lei ) permite atu asegura forma finansiametu ida ba projetu plurianuál ho formasaun rekursu umanu, hodi aumenta kapasidade no formasaun profesionál iha setór estratéjiku dezenvolvimentu nian sira, maka hanesan: justisa saúde, infra-estrutur, agrikultura, turizmu, jestaun petrolífera no finanseira, no seluk tan.

Ho baze ba artigu 20º Lei nº 13/2009, fulan Outubru, kona-ba Orsamentu no jestaun finanseira no ba iha lei nº 13/2011, 21 Feveiru, kona-ba Rejime Dívida Públika, Governu apresenta ba Parlamentu Nasional proposta ida ho limite máximu ne'ebé iha autorizasaun hodi hetan empréstimu sira, ne'ebé tuir obrigasaun legál tenke destina de'it ba konstrusaun infra-estrutur estratéjika atuhodi halo dezenvolvimentu ba país.

## **2. Rezolusaun Governu nian kona-ba proibisaun faan no uza materiál pirotékniku**

Uzas sasán sira pirotékniku (painxón, vela, bomba karvanál nian, fogete no estaliñu sira ) ne'e situausaun ida ne'ebé maka mosu daudaun no maka'as tebes.

Faan sasán hirak ne'e hala'o tuir autoridade competente sira nia hakarak no hatudu perigu ida boot ba populausaun no liuliu ba labarik kikoan sira.

Faan, lori, sunu no uza materiál hirak ne'e bele provoka asidente grave ba ema, bainhira hala'o husi ema beik sira.

Ida ne'e Estadu nia devér atu garante hakmatek ba ema hotu, hala'o kna'ar sidadaun sira nian ho di'ak, mantein órden, protesaun ba ema no sasán sira sidadaun hotu-hotu nian, Governu rezolve hodi bandu faan, lori no uza, liuhusi kualkuer forma, materiál pirotékniku no sira ne'ebé halo rasik ho liman(painxón, vela, bomba karnavál nian, fogete no estaliñu sira) to'o hetan aprovasaun ba regulamentu atu hodi haree kona-ba hahalok ida ne'e.



Maibé, bele permite uza materiál pirotékniku hirak ne'e iha festa no serimónia sira, iha fatin no oras maka determina tiha ona, liuhusi profisionál sira ne'ebé maka hatene kona-ba sasán hirak ne'e no iha lisensa husi membru Governu ne'ebé responsável ba área Seguransa no Komérsiu.

### **3. Dekretu-Lei ne'ebé aprova pagamentu estraordináriu ba fulan ida saláriu báziku ba setór públiku**

Diploma ida ne'e aprova pagamentu estraordináriu saláriu báziku fulan ida ba dirijente Funsun Públika, ba sira hateten iha artigu 2° no ba funsionáriu ho ajente sira, maske sei hanesan temporáriu, kontratadu ne'ebé pelumenus iha ona tinan ida iha data pagamentu ne'ebé defini tiha ona husi Dekretu-Lei ida ne'e.

Medida ida ne'e justu maske ho karáktek exepcional, no mosu nu'udar rekoñesimentu ba servisu ne'ebé maka hala'o husi funsionáriu Estadu nian, atu hodi insentiva nia dezempeñu.

